

現代生活藝術系列

# 華嚴經疏論纂要 1

— 序文、目錄、經前懸示

華藏淨宗學會印贈

清涼觀國師像

乘願而來續佛慧命  
入法界海佩毘盧印  
東流聖教非師莫定  
襟華大經非師孰正  
疏之鈔之字：心鏡  
涌真法乳哺真法胤  
巍：五頂草木皆香  
萬年堅冰毛骨清涼  
私淑弟子道需拜贊



秦栢李長者像  
生為帝胄隱於方山  
掀如來藏破祖師關  
即俗而真即事而理  
論法界經字：歸已  
天女送供猛虎馱經  
心境俱寂游樵華林  
一念無生超賢越聖  
當陽拈出毘盧正印  
杜淑弟子道需科贊



華嚴經疏論纂要序

大方廣佛華嚴經者乃毘盧遮那世尊於菩提場  
始成正覺七處九會稱性頓演如來果海羣生性  
源及因地六位菩薩修證之軌範也夫說旣稱性  
則是恆常之說所謂衆生說國土說三世一切說  
處窮法界時徹三際旨趣宏淡言詮無盡旣非海  
墨所能書抑豈貝葉而可悉但隨機見聞廣畧有  
異耳按西域記此經有三本上本有十箇三千大  
千世界微塵數偈一箇四天下微塵數品中本有  
四十九萬八千八百偈一千二百品下本有十萬



偈四十八品蓋摩訶衍藏是文殊師利與阿難海  
於鐵圍山間結集此經收入龍宮後龍樹菩薩入  
宮見上中二本非閻浮提人心力能持遂記下本  
歸於人間今傳來此方者晉義熙十四年北天竺  
三藏佛度跋陀羅所譯六十卷卽支法領所請之  
本三十四品八會  
唐證聖元年于闐三藏實叉難陀所譯凡八十卷  
皆是十萬偈之畧以譯未盡故其具本言在遮拘  
槃國然經雖未盡義亦周圓染指知味存乎其人  
其八十卷經清涼國師有疏鈔棗栢長者有論世  
所盛行疏鈔則窮源極委章分句析不唯是此經

標準實乃如來世尊一代時教之標準也論則廣  
論佛意會歸自心不唯是此經闡奧實乃宗門之  
闡奧也禪者喜讀論而不知疏鈔之廣大精微講  
者喜讀疏鈔而不知論之直捷痛快兩者皆失之  
也道需年二十五始遇華嚴如貧獲摩尼饑餐王  
饍悲喜踊躍無以云喻昔人謂亡軀得其灰所竭  
思有所歸斯言不我欺也遂矢志生生依經修  
證自是涵泳經文研窮疏論餘三十年麤知門戶  
次第但疏論異旨悟者難於和會文言廣博讀者  
憚於浩繁于是不揣漫於疏論纂其精要合註本

經竊欲令大地含生凡厥有心者同入斯門啟自  
心文殊決擇妙慧圓自性普賢恆沙功德願周法  
界則毘盧是師果辦一生則善財爲友於一毛端  
頓周塵刹叅禮知識于刹那際徧窮劫海津濟羣  
生仰報佛恩少盡卑願云爾今于經前先示大意  
凡六段使稍知梗槩然後臨文則井然有序也其  
智力有餘者自當博閱疏論全書此但撮其旨要  
耳豈

康熙七年歲在戊申四月朔旦道需書于聖箭堂

補刊華嚴經疏論纂要序

蓋聞陰法雲於真際火宅晨涼曜慧日於康衢重昏  
夜曉經之爲功也鉅矣余於西來大旨茫未有知然  
曩時薄宦東邦風塵勞攘每思息轍田園仿遠法師  
結社東林劉遺民雷次宗服膺請教故事手一卷經  
修清淨業十有餘年志焉未逮自來閩嶠更溢塵氛  
歡喜煩惱一切因緣枝梧樛葛然而手握牟尼一串  
心證如來或偶游蘭若之中靜聆梵唄便覺心目間  
有白日虛秋清風適夏景象所謂投清珠於濁水濁  
水不得不清投佛想於凡心凡心不得不佛者非虛



言也鼓山了堂法師心通正覺力振頽綱爲今日之  
道林慧遠以華嚴經疏論纂要示余余受而讀之知  
摩訶衍藏寶出龍宮清涼國師爲之疏棗栢長者爲  
之論微顯闡幽爲修證之極軌而七處九會三十六  
品之同異指歸鈍根者恐未盡曉故爲霖法師以其  
定慧著疏論纂要直接清涼棗栢之心傳暢行毘盧  
遮那之妙諦津梁後起一片婆心昔龍樹以此經爲  
閻浮提人心力能持况疏之論之又從而闡發之真  
能使身光徧照盡空法界智光徧照真俗重重法界  
矣謂非先覺之傳燈名山之鎮寶歟惟是康熙初年

鏤板流傳今百有餘歲前乎此者護持未善故其板  
殘缺頗多而皮板之永通齋及經樓又災於風今之  
維新者余所重葺也了堂法師銳志中興百廢俱舉  
尤疚心於是經之缺而商於余謂毘盧心印慧命攸  
關倘不補刊心傳將絕余惟人能宏道法假人傳師  
欲圓成勝果護此寶藏余敢不益勵前修襄茲善舉  
計缺頁二千二百九十有五缺字九十一萬八千有  
奇亟屬法師敬付剞劂始事於嘉慶丙寅孟夏閱歲  
告成寶相重圓真光耀彩佛力無邊余非敢多以爲  
功也然竊謂宅生者緣緣離則廢緣合則成此舉微

有補於佛門雖浪裏蘋花雪中鴻瓜亦不得謂之偶  
然事矣其偶然者緣也其非偶然者亦緣也匪云外  
護聊結小因庶幾天池露滴味合百川華嶽塵封高  
毋萬仞遂余初志普彼衆生惺惺相惜願大千世界  
人人無九惱十纏覺覺皆通願極樂國中處處少三  
毒八難云爾潯陽熊官梅沐手謹序



書刻華嚴經疏論纂要緣起

大材 總卯皈依 鼓山先師老和尚座下忝與

爲大師同門而大師親承衣鉢繼王法席一坐  
十餘載大闡宗猷震動寓內法緣浩浩在處建  
立法幢聞名覩相攜幼扶老皈禮恐後不啻古  
佛再世而 大材 尙作門外漢慚愧孰甚然而師  
友琢磨之功日漸日深實未嘗一旦敢忘所自  
大師雖主持宗門而平生游泳華嚴棲心法界  
觀其智願廣大乃與毘盧文殊普賢及諸聖師  
聲氣相同臭味相似無間然矣故四十餘年以

來揆討清涼疏鈔研窮棗栢合論焚膏繼晷手  
不釋卷剖大千經卷於一塵之內收普眼法門  
於一字之中七處九會六相十玄以及信解行  
證諸細大法門莫不瀾翻於海口涌現於毫端  
恢恢焉有餘刃矣然大士以利物爲懷四依以  
弘經是務慮疏論部帙重疊後學難以受持故  
十載以來躬自秉筆刪繁取要直註本經命名  
曰大方廣佛華嚴經疏論纂要焉一句之下  
直徹根源一字之內包含無盡無剩文無遺義  
譬如鵝王擇乳師子咬人真法海之奇珍成佛

之寶券自清涼棗栢相傳以來將千有餘載未  
有精微廣大直截痛快若此者也吾師豈惟清  
涼棗栢之功臣實乃毘盧文殊普賢之嫡胤也  
故出現品云此經珍寶不入一切餘衆生手唯  
除如來法王眞子生如來家種如來相諸善根  
者佛子若無此等佛之眞子如是法門不久散  
滅何以故一切二乘不聞此經何況受持讀誦  
書寫分別解說唯諸菩薩乃能如是信然哉由  
是不揣綿力首輪微貲請先繕寫成書然後募  
衆刊佈以廣法施蒙 師不靳慨然俞允乃請

王正先熊子偉二名士精心謄錄成茲勝舉起  
手於康熙戊午夏六月告竣於庚申夏六月是  
役也皆仗諸聖師慈蔭之恩與此大經冥護之  
力永離障緣頓成巨績願廻茲功德與法界凡  
有知識者同遊華藏之門繁興普賢之行報莫  
報之洪恩酬難酬之微志云爾

康熙十九年歲在庚申臘月

如來成道日闍富沙桂林菩薩戒弟子謝旌大

材盥沐焚香拜題

清涼國師傳

國師諱澄觀字大休會稽人姓夏侯氏生於開元戊寅天寶七年出家至肅宗二年丁酉受其卽以十事自勵曰體不捐沙門之表心不違如來之制坐不背法界之經性不染情礙之境足不履尼寺之塵脇不觸居士之榻目不視非儀之綵舌不味過午之餽手不釋圓明之珠宿不離衣鉢之側從牛頭忠徑山欽問西來宗旨授華嚴圓教於京都詵禪師至大曆三年代宗詔入內與大辯正三藏譯經爲潤文大德旣而辭入五臺大華嚴寺覃思華嚴至建中四年下筆





著疏先求瑞應一夕夢金容當陽山峙光相顯顯因  
以手捧既覺而喜以謂獲光明徧照之徵自是落筆  
無停思乃以信解行證分華嚴爲四科理無不包師  
每慨舊疏未盡經旨唯賢首國師頗涉淵源遂宗承  
之製疏凡歷四年而文成爲四十卷又夢身爲龍矯  
言南臺尾蟠北臺宛轉凌虛鱗鬣耀日須臾於青冥  
變百千蜿蜒分散四方而去識者以爲流通之象也  
初爲衆講之感景雲凝停講堂庭前之空中後又爲  
僧獻等著隨疏演義四十卷隨文手鏡一百卷丙子  
十二年宣河東節度使禮部尙書李誥備禮迎法師

澄觀入京師至有旨命同闕賓三藏般若翻譯烏茶  
國所進華嚴後分入不思議解脫境界普賢行願品  
梵筴帝親預譯場一日不至卽差僧寂光依僧說欲  
云皇帝國事因緣與欲清淨師承睿旨翻宣旣就成  
四十卷復命製疏解釋後又畧其廣疏釋末後普賢  
十大願一卷別行謂之別行疏帝天縱聖明一覽玄  
論廓然自得於是敕有司備禮鑄印遷國師統天下  
緇徒號僧統清涼國師開成三年三月六日將示寂  
謂其徒海岸等曰吾聞偶運無功先聖悼歎復質無  
行古人恥之無昭穆動靜無綸緒往復勿穿鑿異端

勿順非辯僞勿迷陷邪心勿固牢鬪諍大明不能破  
長夜之昏慈母不能保身後之子當取信於佛無取  
信於人真理玄微非言說所顯要以淡心體解朗然  
現前對境無心逢緣不動則不孤我矣言訖而逝師  
生歷九朝盛世爲七帝門師春秋一百有二僧臘八  
十有八身長九尺四寸垂手過膝口四十齒目光夜  
發晝視不瞬才供二筆聲韻如鐘文宗以祖聖崇仰  
特輟朝三日臣民縞素奉全身塔于終南山未幾有  
梵僧到闕表稱於蔥嶺見二使者凌空而過以咒止  
而問之荅曰北印度文殊堂神也東取華嚴菩薩大

牙歸國供養有旨啓塔果失一牙唯三十九存焉遂  
闍維舍利光明瑩潤舌如紅蓮色賜諡仍號清涼國  
師妙覺之塔相國裴休奉敕撰碑

文宗皇帝敕寫國師真奉安大興唐寺供養御製讚  
曰朕觀法界曠閒無垠應緣成事允用虛根清涼國  
師體象啓門奄有法界我祖聿尊教融海嶽恩廓乾  
坤首相二疏拔擢幽昏間氣斯來拱承佛日四海光  
凝九州慶溢做金仙門奪古賢席大手名曹橫經請  
益仰師鴻休保余遐曆爰抒顙毫式揚茂實真空罔  
盡機就而駕白月虛秋清風適夏妙有不遷緣息而

化邈爾禹儀煥乎精舍

李長者傳

長者諱通玄出唐宗室不涉世緣清淨自居以華嚴爲業身長七尺二寸疎眚秀目修髯美茂首冠樺皮之冠麻衣博袖跣足而行開元二十七年曳杖荷筇至於太原村名大賢有高山奴者尙德慕義長者徑詣其門山奴諦瞻神儀罄折禮接每旦惟食棗十顆角葉餅如七大者一枚掩室獨處棲心法界如是者三稔復至馬氏古佛堂端居十年一日囊挈經書遵道而去行數里路逢一虎當塗馴伏如有所待長者語之曰吾將著論釋華嚴經可與擇一棲止處遂將

經囊挂於虎背隨其所止於是虎望神福山原直入三十餘里於一土龕前便自蹲住長者旋收經囊置於龕內虎乃屢顧妥尾而去其龕瑩潔廣袤丈餘龕四旁舊無泉澗長者始來之夕風雷暴作拔去一古松松根之下涌出一泉甚淡清冽甘美時人號爲長者泉長者著論每夕口出白光以代燈燭有二天女常爲長者汲水焚香供給紙筆卯辰之際供諸淨饌歷於五年著論已終遂爾絕迹忽一日出山訪舊止之里適值鄉人聚族合樂長者徧語之曰汝等好住吾將欲歸衆乃罷樂驚惶相顧咸皆惻愴堅請畱止


長者曰借滿百年亦當歸去耳於是衆送長者入山  
旋踵之頃嵐霧四起景物不分衆皆驚愕翌日結伴  
登山長者已坐化龕中矣時當春三月二十有八日  
耆舊潛注舉荷擇地於大山之陰奉藏全身累石爲  
墳卽今方山逝多蘭若是也至大曆九年有僧廣超  
遊蘭若中獲長者所著華嚴論四十卷十二緣生解  
迷顯智成悲十明論一卷復有論會釋七卷傳寫顯  
揚徧於并汾廣超門人道光能繼師志肩負二論遊  
於燕趙昭示淮泗凡後代南北學人悉得叅詳論文  
宗承長者優入華藏者超光二比丘之功也未幾閩



福州開元寺沙門志寧以經論各帙讀者難爲和會  
乃特稽首諸佛毘盧遮那一切聖賢願垂加護從第  
八卷入經分列經文將論合於每節之下使讀者開  
經見論謂之合論共成一百二十卷世所盛行皆此  
本也宋覺範德洪禪師贊曰

鬚眉如畫頤而美風神如秋氣奇偉平生歸宿東北  
方長勞動中寂而止儵然跣足散衣行智智用中不  
乖體帝王家生得自在壽量不書絕終始虎受使令  
心境空女爲伴助憎愛棄冠巾傳心卽俗真方隅示  
法卽事理只將棗栢薦齋鉢我來閩浮非著味自然

光明生齒牙我談辭章皆實義佛子授汝以顯訣一  
言便足超十地隨順無明起諸有若不隨順諸有離  
聖賢酪生凡乳中只由觀照戒定慧是謂大士同體  
悲令我頓入一切智作大佛事徧塵刹華藏界中容  
頓轡以空爲座禮十身以願爲舌說千偈如以花說  
無邊春如以滴說大海味稽首世間妙蓮華願常清  
淨出泥滓



大方廣佛華嚴經疏論纂要目錄

第一卷

懸示

序一篇

道需序二紙

謝旌緣起二紙

第二卷

世王妙嚴品疏論纂要

之一

第三卷

世王妙嚴品疏論纂要

之二

第四卷

世王妙嚴品疏論纂要

之三

第五卷

世王妙嚴品疏論纂要 之四

第六卷

世王妙嚴品疏論纂要 之五

第七卷

世王妙嚴品疏論纂要 之六

第八卷

世王妙嚴品疏論纂要 之七

第九卷

世王妙嚴品疏論纂要 之八

第十卷

世王妙嚴品疏論纂要 之九

第十一卷

世王妙嚴品疏論纂要 之十訖

第十二卷

如來現相品疏論纂要 之一

第十三卷

如來現相品疏論纂要 之二訖

第十四卷

普賢三昧品疏論纂要

第十五卷

世界成就品疏論纂要

第十六卷

華藏世界品疏論纂要之一

第十七卷

華藏世界品疏論纂要之二

第十八卷

華藏世界品疏論纂要之三訖

第十九卷

毘盧遮那品疏論纂要

第二十卷

如來名號品疏論纂要

第二十一卷

四聖諦品疏論纂要

第二十二卷

光明覺品疏論纂要 之一

第二十三卷

光明覺品疏論纂要 之二 訖

第二十四卷

菩薩問明品疏論纂要 之一

第二十五卷



菩薩問明品疏論纂要 之二 訖

第二十六卷

淨行品疏論纂要

第二十七卷

賢首品疏論纂要 之一

第二十八卷

賢首品疏論纂要 之二 訖

第二十九卷

升須彌山頂品疏論纂要

第三十卷

須彌頂上偈讚品疏論纂要

第三十一卷

十住品疏論纂要之一

第三十二卷

十住品疏論纂要之二訖

第三十三卷

梵行品疏論纂要

第三十四卷

初發心功德品疏論纂要之一

第三十五卷

初發心功德品疏論纂要 之二 訖

第三十六卷

明法品疏論纂要

第三十七卷

升夜摩天宮品疏論纂要

夜摩天宮偈讚品疏論纂要

第三十八卷

夜摩天宮偈讚品疏論纂要 之餘 訖

第三十九卷

十行品疏論纂要 之一

第四十卷

十行品疏論纂要 之一

第四十一卷

十行品疏論纂要 之二

第四十二卷

十無盡藏品疏論纂要 之一

第四十三卷

十無盡藏品疏論纂要 之二

第四十四卷

升兜率天宮品疏論纂要 之一

第四十五卷

升兜率天宮品疏論纂要 之一 訖

第四十六卷

兜率宮中偈讚品疏論纂要

第四十七卷

十廻向品疏論纂要 之一

第四十八卷

十廻向品疏論纂要 之二

第四十九卷

十廻向品疏論纂要 之三

第五十卷

十廻向品疏論纂要 之四

第五十一卷

十廻向品疏論纂要 之五

第五十二卷

十廻向品疏論纂要 之六

第五十三卷

十廻向品疏論纂要 之七

第五十四卷

十廻向品疏論纂要 之八

第五十五卷

十廻向品疏論纂要 之九

第五十六卷

十廻向品疏論纂要 之十

第五十七卷

十廻向品疏論纂要 之十一

第五十八卷

十廻向品疏論纂要 之十二

第五十九卷

十廻向品疏論纂要 之十三 訖

第六十卷

十地品疏論纂要 之一

第六十一卷

十地品疏論纂要 之二

第六十二卷

十地品疏論纂要 之三

第六十三卷

十地品疏論纂要 之四

第六十四卷

十地品疏論纂要 之五



第六十五卷

十地品疏論纂要 之六

第六十六卷

十地品疏論纂要 之七

第六十七卷

十地品疏論纂要 之八

第六十八卷

十地品疏論纂要 之九

第六十九卷

十地品疏論纂要 之十

第七十卷

十地品疏論纂要 之十一

第七十一卷

十地品疏論纂要 之十二

第七十二卷

十地品疏論纂要 之十三

第七十三卷

十地品疏論纂要 之十四 訖

第七十四卷

十定品疏論纂要 之一

第七十五卷

十定品疏論纂要 之一

第七十六卷

十定品疏論纂要 之二訖

第七十七卷

十通品疏論纂要

第七十八卷

十忍品疏論纂要 之一

第七十九卷

十忍品疏論纂要 之餘訖

第八十卷

阿僧祇品疏論纂要

壽量品疏論纂要

諸菩薩住處品疏論纂要

第八十一卷

佛不思議法品疏論纂要 之一

第八十二卷

佛不思議法品疏論纂要 之二 訖

第八十三卷

如來十身相海品疏論纂要

第八十四卷

如來隨好光明功德品疏論纂要

第八十五卷

普賢行品疏論纂要

第八十六卷

如來出現品疏論纂要之一

第八十七卷

如來出現品疏論纂要之二

第八十八卷

如來出現品疏論纂要之三

第八十九卷

如來出現品疏論纂要 之四訖

第九十卷

離世間品疏論纂要 之一

第九十一卷

離世間品疏論纂要 之二

第九十二卷

離世間品疏論纂要 之三

第九十三卷

離世間品疏論纂要 之四

第九十四卷

離世間品疏論纂要 之五

第九十五卷

離世間品疏論纂要 之六

第九十六卷

離世間品疏論纂要 之七

第九十七卷

離世間品疏論纂要 之八 訖

第九十八卷

入法界品疏論纂要 之一

第九十九卷

入法界品疏論纂要 之二

第一百卷

入法界品疏論纂要 之三

第一百卷之一

入法界品疏論纂要 之四

第一百卷之二

入法界品疏論纂要 之五

第一百卷之三

入法界品疏論纂要 之六



第一百卷之四

入法界品疏論纂要 之七

第一百卷之五

入法界品疏論纂要 之八

第一百卷之六

入法界品疏論纂要 之九

第一百卷之七

入法界品疏論纂要 之十

第一百卷之八

入法界品疏論纂要 之十一

第一百卷之九

入法界品疏論纂要 之十二

第一百卷之十

入法界品疏論纂要 之十三

第一百卷之十一

入法界品疏論纂要 之十四

第一百卷之十二

入法界品疏論纂要 之十五

第一百卷之十三

入法界品疏論纂要 之十六

第一百卷之十四

入法界品疏論纂要 之十七

第一百卷之十五

入法界品疏論纂要 之十八

第一百卷之十六

入法界品疏論纂要 之十九訖

第一百卷之十七

行願品別行疏鈔纂要 之一

第一百卷之十八

行願品別行疏鈔纂要 之二

第一百卷之十九

行願品別行疏鈔纂要

之三

第一百卷之二十

行願品別行疏鈔纂要

之四終

大方廣佛華嚴經疏論纂要目錄

終



大方廣佛華嚴經疏論纂要懸示卷第一



五臺山清涼國師澄觀疏鈔

太原方山長者李通玄論

閩鼓山私淑比丘道需纂要

○經前懸示。疏論各有十門。取其大意。畧立六段。  
一。明處會品第。二分經之大科。二。顯經之宗趣。  
四。判經屬圓教。五。示圓義分齊。六。明所被之機。  
今初處會品第

此一部全經。疏分爲七處九會。二十九品。論分  
爲十處十會。四十品。疏論稍殊。意各有在。

○疏七處九會二十九品者

○初會菩提場。普賢菩薩爲會主。說毘盧遮那如來依正因果法門。自第一卷至十一卷。共六品經。六品者

世王妙嚴品 如來現相品 普賢三昧品 世  
界成就品 華藏世界品 毘盧遮那品

○第二會普光明殿。文殊師利菩薩爲會主。說十信法門。自十二卷至十五卷。共六品經。六品者

如來名號品 四聖諦品 光明覺品 菩薩問  
明品 淨行品 賢首品

○第三會。初利天宮。法慧菩薩爲會主。說十住法門。自十六卷至十八卷。共六品經。六品者。

升須彌山頂品。須彌山頂偈讚品。十住品。

梵行品。初發心功德品。明法品。

○第四會。夜摩天宮。功德林菩薩爲會主。說十行法門。自十九卷至二十一卷。共四品經。四品者。

升夜摩天宮品。夜摩天宮偈讚品。十行品。

十無盡藏品。

○第五會。兜率天宮。金剛幢菩薩爲會主。說十廻向法門。自二十二卷至三十二卷。共二品經。二品者。



升兜率天宮品 兜率天宮偈讚品 十迴向品

○第六會他化自在天宮。金剛藏菩薩爲會主。說十地法門。自三十四卷至三十九卷。共一品經。一品者。卽

十地品。

○第七重會普光明殿如來爲會主。說阿僧祇數量法門。及如來隨好光明功德。及普賢等諸菩薩。說十大三昧等等妙法門。自四十卷。至五十二卷。共十一品經。十一品者

普賢菩薩說十定品 十通品 十忍品 佛說

阿僧祇品 心王菩薩說如來壽量品 諸菩薩

住處品 上明差別因 青蓮華藏菩薩說佛不思

議法品 普賢菩薩說如來十身相海品 佛說

如來隨好光明功德品 上明差別果 普賢菩薩

說普賢行品 明平等因 說如來出現品 明平等果

上自二會來至此一遍明六位因果

○第八三會普光明殿普賢菩薩為會王說離世間

法門自五十三卷至五十九卷共一品經一品者

卽

離世間品此二遍明六位因果

○第九會逝多林。如來善友爲會王。有本末二會。初世尊放光現相。答諸菩薩念請。爲本會。次文殊師利菩薩從善住樓閣。出往人間。開悟六千比丘。及指善財叅五十三知識。爲末會。通爲入法界品。自六十卷至八十卷。共一品經。一品者。卽入法界品。此三遍明六位因果。

○論十處十會。四十品經者。

○第一會在菩提場。示現初成正覺。凡六品經。同上。  
○第二會在普光明殿。說十信位。凡六品經。同上。  
○第三會在須彌山頂帝釋宮中。說十住位。凡六品

經同上

○第四會在夜摩天宮。說十行位。凡四品經同上。

○第五會在兜率天宮。說十迴向位。凡三品經同上。

○第六會在他化自在天宮。說十地位。凡一品經同

上。

○第七會在第三禪天。說等覺法門。謂之普賢佛華。三昧會。此會來文未足。如纓絡本業經具云。彼經是化三乘人已。後如來領至菩提樹下。卻說初成佛時說華嚴經會次第。計此一會一品。通爲十處。十會。四十品經。爲此經十十成法。皆圓滿故。

○第八會在普光明殿。說十定法門。其定名入刹那際。爲刹那。是極短促。思慮不及之地。不同三乘別論生滅。如來出世。始終不離刹那際。爲此定體。稱法界性。更無長短始終。三世總爲一際。故不同古人釋此會爲重會普光明殿。豈可見兩度三度重敘普光明殿。卽云重會三會。令他作去來之見。如經意者。但以佛自體無作大悲爲母。以一切種智爲佛。以法無性無所依爲時日歲月。以一切衆生根器爲明鏡。佛于一切衆生心海。任物自見。各得自法。皆令向善。及得菩提。非是如來有重去重來。

相故。但明此普光明殿。是如來自性一切智。種智之都體也。爲依報所居。此刹那際定。是佛一切智。種智之法性故。意在總括一切法界衆海會等總體。如王寶印。一時頓印。不可作重會去來之見。

○第九會在普光明殿說離世間品者。明從此重起信心發行。修十住。十行。十迴向。十地。十定。十通。十忍。乃至如來出現佛果位終。皆悉不離普賢舊行。爲如來出現品前三十六品經。是自乘普賢行滿。出現品後離世間一品。純是果後利他普賢恆行。普印十方無休息也。如善財見慈氏如來已。卻令

見文殊師利者。明令至果。不離初信之門。便聞普賢名。見普賢身等。普賢身者。卽果後普賢之行。此品不同彼古人釋。此會爲三會。普光明殿者。以法界門。不可作世情去來之見。如上所說。

○第十會在逝多林。說法界品。明此一會。普含諸會。及十方利海法界。虛空界總之一會。重重無盡。無盡重重。以六相十玄該之。以無思之心照之。可見。○又云。以世王妙嚴品爲一會。以普光殿三會爲一會。通前世王妙嚴品爲二會。上升須彌夜摩兜率。他化第三禪。爲五會。通前兩會爲七會。法界品祇

園人間爲第八會。善財大塔廟處爲第九會。以虛空法界一切處會爲十會。古人云九會者。爲未知有十一地在第三禪說。此經總十法爲準。不可說九也。

評曰此經處會品第。疏論所以不同者。各有其意。不必軒輊。其普光明殿重會三會之說。在圓融行布之間。疏所以分者。以圓融不礙行布也。論不分前後往來之相。一時頓說者。以行布不礙圓融也。其言似反。其意正合。故疏釋升須彌品云。言爾時者。卽前一會時。王伴齊徧。演前一會之法也。何須



舉前一會。欲明前會不散。成後會故。後必帶前。合  
成法界無礙會故。一一法會無休息故。後後諸會  
皆同時故。若散前會。卽無後故。所以唯約覺樹會  
者。此爲本故。得佛處故。理實第二。亦同此徧。若同  
時徧。尙有九會。若有前後。何名同時。應云。卽用之  
體同時。頗徧。卽體之用。不壞前後。猶如印文。觀此  
則疏意尤圓。善得六相之意。不滯一邊也。

○二分經之大科

此一部全經。清涼國師疏。分爲五周四分。而棗  
栢李長者論。畧作十段長科。亦有五種因果徧

周義

○疏五周四分者

○一所信因果周。卽舉果勸樂生信分。謂第一會菩提場。說毘盧遮那依正因果法門。自世主妙嚴品。至毘盧遮那品。凡六品經。前五品顯如來依正果德。後一品。明佛本因。勸勵大心衆生。今生欣樂。以起淨信。故名所信因果周。亦名舉果勸樂生信分。

○二差別因果周。卽修因契果生解分。謂第二會普光明殿起。經歷忉利。夜摩。兜率。他化自在。說十信。十住。十行。十迴向。十地。及重會普光明殿。說十定。

至菩薩任處。共六品經。明差別因圓。後佛不思議法。如來十身相海。如來隨好光明功德。共三品經。明差別果滿。又十定以下六品經。明等覺。佛不思議法。品以下三品經。明妙覺。

○三平等因果周。卽于前會說普賢行。如來出現。二品經。明平等因果。前普賢行。明因該果海。次如來出現。明果徹因源。因果不二。故名平等。連上差別。二周。通名修因契果生解分。

○四成行因果周。卽託法進修成行分。謂第八會二會。普光明殿說離世間法。卽成行因果周。普慧雲

興二百問。普賢瓶瀉二千酬。通明六位因果。自五十三卷。至五十九卷。共一品經。初通明五位之因。後明八相之果。此託圓融法界。進修成行。位位交羅。一位具足一切位。故沒其位名。但明圓融之行。故名託法進修成行分。

○五證入因果周。卽依人證入成德分。謂第九會逝多林。說入法界法門。以諸菩薩念請。有三十問。具問如來果海中事。以果海離言。故如來但現相以答。復放光攝受。光中具見所問之事。令其現證。是爲本會。次文殊師利從善住樓閣出。漸往人間大。

塔廟前。令六千比丘頓證。次指善財童子南詢。參五十三知識。通名末會。及善財末後見普賢身。入普賢菩薩一毛孔中。頓圓曠劫之果。故前三十八品。但該羅六位因果。令生信發解。依之起行造修。至此方爲證入。故云依人證入成德分。若無實證。則前解行俱爲虛設。故以證終。

○論十段長科者

○一明始成正覺卽世王妙嚴品是

○二明舉果勸修卽現相品已下。至毘盧遮那品。總五品經是。及前世王妙嚴品亦是。乃是舉佛所成。

之果。勸令人修。

○三明以果成信。卽從佛名號品已下。至賢首品。六品經是。亦通取前世主妙嚴品已來。總是。便以十箇智佛以爲自心之果。以不動智佛爲首。明自心智。隨分別性。無所動故。

○四明入真實證。從升須彌山頂品已下。六品經是。以十住爲體。任佛智慧家故。

○五明發行修行。從夜摩天宮已下。四品經是。以十行爲體。行佛行故。

○六明智悲相入。從升兜率天宮品已下。三品經是。

以十迴向爲體。體圓真俗。成大悲故。

○七明蘊修成德。他化自在天中。十地一品經是。蘊修前三法。令慣習成就故。

○八明利生自在。從十定品已下。至離世間品。總十二品經是。以十地中蘊德成功。十一地利生行滿。方名法行圓滿佛。於始於終。無作體性不移。念念爲以法界圓明大智之性。爲十住見道之初。無時念故。三世無性故。總一時故。此非情識所知。唯智會故。

○九諸賢寄位。卽已上六位諸菩薩。并佛出現品亦

是皆從性海大智境界中。方便出現其身。寄位成十信。十住。十行。十迴向。十地。及等覺位。十一地。法門。令凡夫信入。做學依躋。不迷其事。

○十明。令凡實證者。以法界性中。安立十信等六位。進修方便行。不離體用。不壞方便。其智彌高。其行彌下。逐根行滿。故名進修。隨力堪能。安立諸位。隨位知行。令不迷因果。使學者善明總別。依位成功。不滯始故。不離初故。卽如下文善財等衆。優婆塞。優婆夷。童子。童女。各列有五百。具明十住。十行。十迴向。十地。十一地。五位。一位有十。通爲五百。如六



千比丘。通信亦不退。總云六千。一萬諸龍。以明萬行。如是之衆。竝是凡夫。皆信是法界佛果智門。故而登十住十地諸位。故名令凡實證。

評曰。疏論分經。大意皆同。論唯第九諸賢寄位一科。重收前六位。謂已上六位諸菩薩。并佛出現。是從性海大智境界中。方便出現其身。寄位成十信等。令凡夫信入。倣學依蹟。不迷其事。與疏不同。愚謂六位法門。乃三世諸佛修行成道之成式。亦是毘盧遮那如來因地修證之門。前菩提場一會。既舉其所成之果。第二普光明殿。已下諸會。明信住

行向地等位。乃示其由因至果之蹟。離世間一品。則明其諸位之行。而法界一品。舉善財一人。經歷諸位。一生頓證。令大心凡夫。見賢思齊。直下承當。依法修證也。

○論此一部之經。總有五種因果徧周義。

○一示成正覺因果徧周。卽世主妙嚴品是。通下五品經。總是。

○二進修因果徧周。從佛名號品已下。十信。十住。十行。十迴向。十地位中。共二十品經是。

○三定體徧周。卽十定。十通。十忍等品是。

○四行海徧周。卽普賢行品。離世間品。是

○五法界不思議大圓明智海徧周。卽法界品。是以  
此一部之經。五品之內。品初皆有爾時世尊在摩  
竭提國以爲品首者。明此五法。是一時。一法界。一  
刹那際。一體用。一切諸佛一共同之法。如是之法。  
不離十定之中。刹那際。降神入胎。示現成佛。入涅  
槃。不離一刹那際。更無移也。

評曰。五周之義。疏論稍殊。各有所主。大旨無乖。讀  
者詳之。

○三顯經之宗趣

疏語之所尙曰宗。宗之所歸曰趣。一切諸經各自有宗。然楞伽云。一切法不生。不應立是宗者。斯言遺滯。若無宗之宗。宗說兼暢。今此經者。以法界理實緣起因果不思議爲宗。而法界等言。諸經容有未顯特異。故以不思議貫之。則法界等皆不思議。故爲經宗。所以龍樹指此經爲大不思議經。斯良證也。淨名但明作用不思議解脫。蓋是一分之義。未顯法界融通等不思議。故不同也。其中釋義有四門。第一別開法界以成因果。謂普賢法界爲因。遮那法界爲果。是故因果不離理實法界。第二會

融因果以同法界。第三法界因果。分明顯示。第四法界因果。雙融俱離。性相混然。無礙自在。已上四門。各有十義五對。互爲宗趣。具如疏明。上之四門。初一卽體之用。次一卽用之體。三卽體用雙顯。四卽體用鎔融。又初一卽因果緣起。次一卽理實法界。三卽雙明。後一卽不思議。旣以第四融前。則四門一揆。

〔論〕此經名毘盧遮那大智法界本真自體寂用圓滿果德法報性相無礙佛自所乘爲宗。法華云。乘此寶乘。直至道場。此經云。有樂求佛果者。說最勝。

乘。上。乘。無。上。乘。不。思。議。乘。等。是。爲。令。初。心。者。志。樂。廣。大。還。得。如。來。大。智。之。果。與。自。智。合。一。無。二。故。此。經。宗。趣。甚。深。難。信。若。有。信。此。經。中。如。來。大。智。境。界。佛。果。法。門。而。自。有。之。勝。過。承。事。十。佛。刹。微。塵。數。諸。佛。經。於。一。劫。所。有。功。德。賢。首。品。頌。云。一。切。世。界。諸。羣。生。少。有。欲。求。聲。聞。乘。求。獨。覺。者。轉。復。少。趣。大。乘。者。甚。希。有。趣。大。乘。者。猶。爲。易。能。信。此。法。倍。甚。難。爲。此。經。宗。趣。說。入。佛。果。不。逾。刹。那。但。隔。迷。悟。說。無。量。劫。不。移。一。時。說。從。凡。夫。地。創。見。道。時。因。果。一。時。無。前。後。際。不。見。未。成。佛。時。不。見。成。正。覺。時。不。見。煩。惱。

斷不見菩提證。畢竟不移毫念。修習五十位滿。一切種智悉皆成就。總別同異成壞。一時自在。皆非世情所見。是故難信也。其所信者。如經下文十信之位。金色世界不動智佛。上首菩薩名文殊師利。此云妙德。云金色者。明白淨無垢。卽法身之理。不動智佛者。卽理中智也。一切凡聖等共有之。故云一切處文殊師利。一切處金色世界。一切處不動智佛。今之信者。當信自心無依任性。妙慧解脫。是自文殊。於心無依住中。無性妙理。有自在分別。無性可動。名不動智佛。理智無二。妙用自在。是故一

切諸佛。從此信生。故號文殊爲十方諸佛之母。亦號文殊爲童子菩薩。爲皆以信爲初生。故信心成就。卽以定慧觀智力印之。一念相應。名十住初心。便成正覺。取能行行處。號曰普賢。取妙慧無依處。號曰妙德。取善能分別知根之智。號之爲不動智。佛。且能信處。號曰信心。自契相應。名爲任心。爲任佛所任。妙慧解脫。相盡無生法故。若心外有佛。不名信心。名爲邪見人也。一切諸佛皆同自心。一切衆生皆同自性。性無依故。體無差別。以此同體。妙慧。知諸佛心。及衆生心。應如是信解。不自欺誑。是



故此經宗趣爲大心衆生入佛根本大智佛果。一念契眞。理智同現。卽名爲佛。爲法界道理。見則無初中後故。是故法華經爲迴三乘劣解者。令龍女非器。刹那成佛。明信心廣大。非權施設。所修實教。不迂滯故。言龍女年始八歲者。表今生始學。非舊學故。言畜生女者。明非過去積修。乃此生所信法門。理直無滯故。法界體性。非三世收。一念應眞。二世情盡。智無出沒。卽佛果故。爲劣解衆生。與度八相等事。娑婆世界。舉衆遙見龍女。卽往南方。無垢世界。成佛者。解云南方者。爲明爲正。以主離故。離

爲明爲日。爲虛無。卽無垢也。舉衆遙見者。明三乘  
權學。信而未自證。故言遙見。夫法界一眞。自他相  
徹。若當自得。焉得稱遙見。此經卽令善財一生得  
佛。解云。一生者。從凡夫地起信之後。十任初心契  
無生也。卽任法界智生。非業生也。至文廣釋。今且  
畧明此經宗趣。佛果法門竟。博達君子可試思焉。  
評曰。此經宗趣。疏折衷諸家。以法界理實緣起。因  
果不思議爲宗。而論于法界之上。加毘盧大智之  
言。而法界下。加體用法報性相無礙等言。與疏法  
界緣起不思議之義。其意大同。但疏中廣明法界

緣起。義甚玄妙。而論令大心衆生。于此經中自信。如來大智境界。佛果法門。本自有之。金色世界。明白淨無垢。法身之理。不動智佛。卽理中智。自心無依。住妙慧。是自文殊。凡聖共有。故云一切處文殊。師利。一切處金色世界。一切處不動智佛。意尤痛切。讀者毋忽。

○四判經屬圓教

〔疏〕以義分教。教類有五。卽賢首所立。一小乘教。二大乘始教。三終教。四頓教。五圓教。初卽天台藏教。二始教者。亦名分教。以深密第二第三時教。同許

定性無性。俱不成佛。故今合之。總爲一教。此旣未盡大乘法理。故立爲初。有不成佛。故名爲分。三終教者。亦名實教。定性二乘。無性闡提。悉當成佛。方盡大乘至極之說。故立爲終。以稱實理。故名爲實。四頓教者。但一念不生。卽名爲佛。達摩碑云。心有夫。心無也。剎那而登正覺。下經云。法性本空。寂無取。亦無見。性空卽是佛。不可得思量。不依地位漸次而說。故立爲頓。如思益云。得諸法正性者。不從一地。至于一地。不同于前漸次修行。不同。于後圓融具德。故名爲頓。頓詮此理。故名頓教。天台所以不立者。以四教中皆有一絕言故。今乃開

者。頓顯絕言。別爲一類。離念機故。卽順禪宗。以達摩

傳心。正是斯教。若不指一言。以直說。卽心是佛心。要何由可傳。故寄無言之言。直詮絕言之理。教亦

明矣。是故禪宗。五圓教者。明一位卽一切位。一切

不出頓教也。位卽一位。是故十信滿心。卽攝五位。成正覺等。依

普賢法界。帝網重重。王伴具足。故名圓教。如此經

說。圓義分齊。中廣明。

論中廣引東土西天諸家立教訖。乃云。通玄自參

聖教。隨已管窺。以述意懷。用呈後哲。準其教旨。畧

立十種教。總該佛日出興。始終教意。何者爲十。第

一時說小乘純有教。第二時說般若破有明空教。

第三時說解深密經和會空有。明不空不有。教第  
 四時說楞伽經。明契假卽真教。第五時說維摩經。  
 卽俗恆真教。第六時說法華經。明引權歸實教。第  
 七時說涅槃經。令諸三乘捨權向實教。第八時說  
 華嚴經。於刹那際。通攝十世圓融。無始終前後通。  
 該教第九共不共教。謂同聞異解。第十不共共教。謂華嚴會  
 上十方雲集諸來菩薩及天龍八部等。各各差殊。同得聞毘盧遮那果德法門。具同具別圓融自在。  
 如是十教。總是如來於本法界。一刹那際。一時。一  
 聲。頓印如響。隨諸衆生。自分根力。漸頓不同。是故  
 于今。以圓數故。畧分十種教門。用彰進修解行差

別

評曰論立十種教。總依如來無三世智海。一刹那際一時頓說。由根不同。差別自生。正是華嚴圓頓教旨。雖別是一家之論。與諸古德所立。大旨無違。今錄其條目于此。以備參考。廣釋如論。

○五示圓義分齊

疏已知此經總屬圓教。未知圓義分齊云何。然此教海宏深。包含無外。色空交映。德用重重。語其橫收。全收五教。乃至人天。總無不包。方顯深廣。其猶百川不攝大海。大海必攝百川。雖攝百川。同一鹹

味故隨一滴迴異百川。前之四教不攝于圓。圓必  
 攝四。雖攝于四。圓以貫之。故十善五戒亦圓教攝。  
 尚非三四。况初二耶。斯則有所通。無其所局。故  
 此圓教語廣。明無量乘。語深。唯顯一乘。一乘有二。  
 一同教一乘。同頌同實故。二別教一乘。唯圓融具  
 德故。以別該同。皆圓教攝。今明別教一乘。畧顯四  
 門。一。明所依體事。即事法界二。攝歸眞實。即理法界三。彰其  
 無礙。即事理無礙法界四。周徧含容。即事事無礙法界各有十門。  
 以顯無盡初中十者  
 一。教義。教即能詮。即前五教等一切義理。詮即五教等一切義理。



二理事。

理。卽生空所顯。二空所顯。無性真如等理。事。卽色心身方等事。

三境智。

卽五教所觀之境。能觀之智。總收不出二諦。二智別卽小乘四諦涅槃爲境。無漏淨慧爲智。及他心等十智。始教亦通四諦。二諦等爲境。加行根本後得等智。終教則是三諦等境。權實無礙等智。頓教則無境爲境。絕智爲智。圓教則無盡之境。無盡之智。

四行位。

五教修行不同。得位差別。位通因果。

五因果。

自互不通。如七方便等爲因。須陀洹等爲果。等覺已下皆因。妙覺爲果等。

六依正。

依卽國土。正卽佛身等。

七體用。

體卽法報等。用則應化等。

八人法。

人則覺者等。法則菩提等。

九逆順。

逆則婆須無厭等。順則觀音正趣等。

十應感。應即赴感。佛菩薩等。感即當機。菩薩衆生。收爲十玄。所依體事。若以義取。隨一事上。即有十對。故下但約一塵。即具十對。上明所依體事竟。

○第二攝歸真實者。即真空絕相。經云。法性本空寂。

無取亦無見。性空即是佛。不可得思量。亦有十義。

如法界觀。杜順和尚法界觀中。總有三觀。一真空。絕相觀。二事理無礙觀。三周徧含容觀。

即今疏後之三門。攝歸真空觀。即真空絕相。于中自有四句。十門。一會色歸空觀。二明空即色觀。三色空無礙觀。四泯絕無寄觀。此爲四句。前二各四。故爲十門。具如法界觀上攝歸真實竟。

○第三彰其無礙。然上十對。皆悉無礙。今且約事理。

以顯無礙。亦有十門。

一理徧於事門。

謂無分限之理。全徧有分限事中。故一一纖塵。理皆圓足。理不全徧。

則理可分。事不全攝。則事不即理。如一纖塵。事事皆爾。正徧此時。不妨餘徧。故亦非餘處無理。全此全彼。亦非二理。

二事徧於理門。謂有分之事。全同無分之理。故一理故。若不全同。則不如理。然相徧二門。超情難見。何者。謂事既有分。理即無分。如何得徧。若塵徧法界。塵應非小。理徧同事。應如小塵。今明由事與理。有非一非異義。故以非異故。全同。以非一故。不壞分。無分。則事理兩分。如海之波。一波全徧大海。以同海故。大海全在小波。以海無二故。全在一波。亦全在諸波。同一海故。

三依理成事門。性故由無性理。事方成。故中論云。以有空義故。一切法得成。又離真心。無別體故。

四事能顯理門。謂由事攬理成。故事虛而理實。實以事虛故。能顯實理。事若有實。實以

則隱以事虛故。全事中之理。挺然顯露。如波相虛。令水現也。

五以理奪事門。謂事既全理。則事盡無遺。如水奪

六事能隱理門。謂真理隨緣而成事。遂令事顯理不現也。如水成波。動顯靜隱。

七真理卽事門。謂凡是真理。必非事外。以是法無我理。故空卽色。故理卽是事。方爲

真理

八事法卽理門。謂緣集必無自性。舉體卽真故。上之二門。正明二諦不相違義。

九真理非事門。謂卽妄之真。異于妄故。如溼非動

十事法非理門。謂卽真之妄。異于真故。如動非溼。

門。明事理非一。故爲無爲。非一非異。第四迴向云。於有爲界。示無爲法。而不滅壞。有爲之相。於無爲界。示有爲法。而不分別。無爲之性。

上之十事。同一緣起。故云無礙。約理望事。有成依。

成有壞以理。有即真理。有離真理。事望于理。有顯事。

事能事。有隱事。有一事。有異事。逆事。順事。

即自在欲成即成。無障無礙成不礙壞不礙成。

故云欲壞即壞。同時正當成時即是。頓起四對皆無前。深思無礙。

令觀明現。以成理事圓融無礙觀也。

○第四周徧含容。即事事無礙。且依古德。顯十玄門。

於中文二。先正辨玄門。二明其所以。今初。

一同時具足相應門。如海一滴。味具百川。以是總

法門。無盡海。同會一法。道場中。又云。華藏世界。所

有塵。一一塵中。見法界。一塵既爾。爾法法皆然。

二廣陜自在無礙門

別中先辨此者是別門之由。由上事理無礙中事理相徧。

故生下諸門且約事如理徧故廣不壞事相。故陜。故為事事無礙之始。七十六經摩耶夫人云善男子。我身形量雖不踰本然其實已超過世間量。同虛空悉能容受十方菩薩受生莊嚴宮殿。此文即廣陜自在也。如一尺之鏡現千里之影。

三一多相容不同門

由廣陜無礙所徧有多。以已望多故有一多相容。相容則

二體俱存。但力用交徹耳。如一微塵舒已徧入一切法中。即攝一切令入已內。舒攝同時無障無礙。一塵既爾。塵塵互攝。亦復如是。華藏偈云。以一利種入一切。一切入一。亦無餘體相。如本無差別。無等無量。悉周徧等。即其文也。如一室千燈光。光光涉入。

四諸法相即自在門

由此容彼彼便即此。由此徧彼此便即彼。故有相即門。如

一微塵廢已同他。舉體全是彼一切法。而恆攝他同已。令彼一切即是已體。一多相即混無障礙。此

約有體無體故言廢已廢已卽無已體也。同他他有體也。如金與金色不相捨離。

**五秘密隱顯俱成門**。由互相攝則互有隱顯。謂攝他無體故有相卽門。攝他雖存而不可見。故有

隱顯門。經云東方入正受西方從定起等。東方入

定爲顯西方定起爲隱。以但見入定不見起。故然

此三門皆由相攝而有相入則如二鏡互照相卽

則如波水相收隱顯則如八日月隱顯同時。

**六微細相容安立門**。

由此攝他一切齊攝。彼攝亦然。如璫璃瓶盛多芥子。隔瓶

頓見。故有微細相容門。十迴向云。一毛孔中悉明

見不思議數無量佛。一切毛孔皆如是。菩提禮一切

世間燈師其文也。

**七因陀羅網境界門**。

由互攝重重故有帝網無盡。如天帝殿珠網覆上。一明珠

內萬像俱現。珠珠盡然又互相現。影影復現。影重重無盡。故于光萬色雖重重交映而歷歷區分亦





屬卽法眷屬故隨一一皆有眷屬眷屬卽伴故證  
主伴如長空明月列宿圍繞萬器百川星月炳現  
此上十門同一緣起無礙圓融隨舉一門卽具一  
切如一事塵具此十門而具餘教等十門則爲百  
取之亦至無盡如一千錢共爲緣起一錢爲首則  
具一千餘亦如是則有千千千之中隨取其一  
亦具千千故至無盡於此十門圓  
明顯了則常入法界重重之境

○二明德用所以

問有何因緣令此諸法得有如是混融無礙答因  
廣難陳畧提十類一唯心所現故二法無定性故  
三緣起相由故有十門四法性融通故亦具十門五如幻  
夢故六如影像故七因無限故謂諸佛菩薩因中常修緣起無性觀

今所起果。八佛證窮故。由冥真性。九深定用故。海

具斯無礙。三三十神通解脫故。由十通及不由上十因。令前教

義等十對。具上同時等十門。以為別教一乘義之

分齊。

十地論云。一切所說十句中。皆有六種差別。相門。

以顯緣起圓融之法。勿以陰界入等事。相執取。言

六相者。總相。別相。同相。異相。成相。壞相。一總相者。

謂一含多德故。二別相者。多德非一故。三同相者。

多義不相違故。四異相者。多義不相似故。五成相。

者。由此諸義緣起成故。六壞相者。諸緣各任自性。

不動移故。亦如梁等。共成一舍。總則一舍。別則諸緣。同則互不相違。異則諸緣各別。成則諸緣辦果。壞則各住自法。餘一切十句。皆應隨義類知。

**評曰**緣起之法。不起則已。起則圓融。十玄六相。其義一揆。其舍喻。詳如賢首教義分。齊所解。見初地。**論**教義差別。亦有十門。一佛日出與教主別。二光明表法現相別。三問答所詮主伴別。四所示因圓果滿別。五地位所行行相別。六重令善財證法別。七明六位菩薩來衆別。八明所施法門理事別。九與諸三乘得果別。十所付法藏流通別。具如論廣。

釋

評曰疏論發明經中圓義。最爲詳盡。不能具引。有志入斯廣大法門者。宜博覽深思焉。

○六所被之機

疏夫教因機顯。離機無言。上說義理宏淡。未委被何根器。若明能應者。十身圓音。今直彰所被。通有十類。前五揀非器。後五彰所爲。前中一無信非器。以聞生誹謗。墮惡道故。二違真非器。依傍此經。以求名利。不淨說法。集邪善故。三乖實非器。謂如言取文。超情至理。不入心故。上三皆是凡愚。故下文

云。此經不入餘衆生手。四狹劣非器。謂一切二乘。出現品云。一切二乘不聞此經。何況受持。故雖在座如聾如瞽。五守權非器。謂三乘共教諸菩薩等。隨宗所修行。布行位不信圓融具德之法。故下經云。設有菩薩無量億那由他劫行六波羅蜜。不聞此經。或時聞已。不信不解。不順不入。不得名爲眞實菩薩。故後五顯所爲中。一正爲。謂是一乘圓機。故出現品云。此經不爲餘衆生說。卽通指前五。雖爲大乘不思議乘菩薩說。卽正爲之機。謂一運一切運圓融行位。卽淡不思議。又能徧達諸教。卽廣

不思議故。文云。非餘境界之所知。普賢行人方得入等。二兼爲。謂卽時雖未能悟入。而能信向成種。如出現品。食金剛喻。故地獄天子。十地頗超。大海劫火。不能爲障。約未悟入。故名爲兼。十地品偈云。雖在海木劫火中。堪受此法。必得聞是也。三引爲。卽前權教菩薩不受圓融之法。故十地之中。寄位顯勝。借其三乘行布之名。彼謂同于我法。後因熏習。方信入圓融。以離此普法。無所歸。故權教極果。無實事故。四者權爲。卽是二乘。謂旣不聞。况于受持。故諸菩薩。權示聲聞。或在法會而盲聾。彰其絕分。或示在道而啓悟。知可

迴心五遠爲。謂諸凡夫。外道闡提。悉有佛性。今雖不信。後必當入。故出現品云。如來智慧大藥王樹。唯除二處。不能爲作生長利益。所謂一乘。墮無爲坑。及壞善根。非器衆生。溺大邪見。貪愛之水。然亦于彼。曾無厭捨。前三非器。是溺邪見。第四非器。是墮淡坑。故皆揀之。今四及五。明佛無厭捨。故示而誘之。熏其成種。又彼品中。明不信毀謗。亦種善根。謂謗雖墮惡。由聞歷耳。終醒悟故。又云。如日亦與生盲作利益故。又如大海潛流喻中。明無不具有。如來智慧故。又破塵出經卷喻中。若除妄想。皆見。

佛智故。此皆明有自性。任性卽是所爲。况法性圓融。感應交徹。無有一法而非所被。

**論**此經法門付囑何人者。謂付囑大心凡夫。如來出現品云。佛子。此經珍寶。不入一切餘衆生手。唯除如來法王真子。生如來家。種如來相。諸善根者。佛子。若無此等佛之真子。如是法門。不久散滅。何以故。一切二乘不聞此經。何況受持。讀誦書寫。分別解說。唯諸菩薩。乃能如是。解云。生如來家者。自覺自身法身根本智。與佛真性。性相平等。同無性味。混然法界。自他情盡。唯佛智慧。朗徹十方。無性。



無依。無生。死性。名爲生在佛家。以自體無作平等。悲智力故。紹隆正法。統治衆生。隨所應作。以法調伏。令諸衆生。差生死業。所有一切安樂之法。皆悉樂之。是則名爲持佛家法。又云。種如來相。諸善根者。解云。證佛法身。性同法界。同佛悲智。如是信修。理事不殊。性相平等。如是學者。種如來相。同佛善根。不同權教。付囑三乘聲聞菩薩。又三乘之教。多付囑諸聖。及未生佛家諸凡夫。此經付囑最上大心凡夫。唯求如來不思議乘生佛家者。若無大心凡夫。此經當滅。何以故。爲此經難信。設有聖說。凡

夫不信不證此經當滅。若聖位菩薩有一切佛世界微塵數。如來何慮此經散滅。當知如來意者。令諸大心凡夫而起信修。得生佛家。不念已齊佛位。諸菩薩衆。諸有行者。應如是知。

**評**疏明所被之機十類。前五揀非器。後五彰所爲。而所爲之中。其引爲權。爲遠。爲皆前之所揀。一切收盡。更無遺餘。可見此法門。無一人而非其所被。廣大無盡。不可思議。論中則謂此經不付囑入聖位。諸菩薩。唯付囑最上大心凡夫。求如來不思議。乘生佛家者。若無大心凡夫。此經當滅。此言尤爲。

痛切。有志入圓頓法門者。應如是知。如是擔荷。不然。則雖終日讀誦。與在座聾瞽者。何以異乎。

○經題品目 二  
先解經題

大方廣佛華嚴經

〔疏〕釋此經題先畧後廣。畧中此七字有六對。一經字是教。上六是義。卽教義一對。二嚴字是總。上五是別。卽總別一對。三華爲能嚴。上四皆所嚴。卽能所一對。四佛是所嚴所成之人。上三皆所嚴之法。卽人法一對。五廣者是用。上二皆體。卽體用一對。六方者是相。大者是性。卽性相一對。故此七字。卽七大性。大者體。大方者相。大廣者用。大佛者果。大華者因。大嚴者智。大經者教。大則七字皆大。七字

皆相等。今各以二義釋之。一大字體大者。具常徧  
二義。徧者。涅槃云。所言大者。其性廣博。猶如虛空。  
下經云。法性徧在一切處。一切衆生及國土。三世  
悉。在無有餘。亦無形相而可得。常者。涅槃云。所言  
大者。名之爲常。下經云。法性無作無變易。猶如虛  
空。本清淨。諸佛境界亦如是。體性非性。離有無。然  
淵府不可以擬其深妙。故寄大以目之。實則言思  
斯絕。故下經云。法性不在言論。無說離說。恆寂  
滅。諸佛境界不可量。爲悟衆生。今畧說二。方字相  
大者。體上恆沙性德。卽是相大。具正法二義。竝無

偏僞故稱爲正。皆可軌持。目之爲法。故下經云。凡夫無覺解。佛令住正法。諸法無所住。悟此見自身。三廣字用大者。用如體故。無不周徧。然亦二義。由體有二義故。一者能包。二者能徧。故下經云。譬如虛空。具含衆像。於諸境界。無所分別。又如虛空。普徧一切。於諸國土。平等隨入。今用稱體。一稱體之包。則一塵受世界之無邊。二稱體之徧。則刹那彌法界而無盡。上之三字。卽體相用。無有障礙。爲所證之法界也。四佛字果大者。亦有二義。一者能覺。佛陀梵言。此云覺者故。二者所覺。卽大方廣。若別

說者。覺上用者。覺世諦也。覺上體者。覺真諦也。覺上相者。覺中道也。三諦相融。三覺無礙。爲妙覺也。五華字因大者。亦有二義。一感果華。喻於萬行成佛果故。或與果俱。或不與俱。俱如蓮華。表因果交徹故。不俱如桃李華。不壞先因後果故。二嚴身華。喻于神通衆相等。必與位果俱故。故下經云。若見花開。當願衆生。神通等法。如花開敷。若見樹花。當願衆生。衆相如華。具三十二。六嚴字智大者。亦二義。一以萬行飾其本體。卽嚴上大方廣。如瑩明鏡。鏡雖本淨。非瑩不明。二以萬行功德成佛果之人。

若琢玉成像。又飾本體。如鑄金成像。以行成人。如巧匠成像。七經字教大者。亦二義。謂貫與攝。貫者。貫華嚴之妙義。攝者。攝法界之海衆也。上畧釋竟

次廣釋者。總有十門。今唯舉第三具彰義類一門。以解題中大等七字。謂大等七字。義皆無量。竝畧以十義釋之。然古人亦各十義釋其七字。不知以七字更互相釋。今明大義。則七字皆大。方則七字皆方。廣則七字皆廣。佛則七字皆佛等。初明大十義者。一體大。謂若相若用。皆同真性而常徧。故卽是大字。涅槃云。所言大者。名之爲常。此明體不變。



易。又云。大者。其性廣博。猶如虛空。此明體徧。二相。大。謂恆沙性德。無不具。故互相卽入。微細重重等。具十玄門。皆其相。故卽經方字。方者。法也。二者用。大。謂業用。普周。如體徧。故卽經廣字。涅槃云。又大者。能建大義。卽是約用。四果大。謂智斷。依正竝周。法界故。卽經佛字。五因大。謂發菩提心。起解行願。證精勤匪懈。成諸位。故卽經華字。六智大。謂大智。爲主。運諸萬行。徧嚴一切。無所遺。故卽經嚴字。七者。教大。謂一文一句。無不結通。徧於一切十方三世。際重重無盡。故卽是經字。八者。義大。謂所詮法。盡。

窮法界。乃至帝網。無所遺故。卽總是六字。九者境大。以上法門。普以無盡眾生爲化境故。十者業大。謂盡三際時。窮法界處。常將此法。利益衆生。無休息故。二方十義者。方者。法也。卽前十大。皆名爲法。謂體法。相法等。三廣十義者。廣者。多也。用多繁興。包無不盡故。則前十皆多。卽明一徧一切名之爲大。一攝一切名之爲廣。亦可反此。四佛十義者。卽是十佛。大卽法界佛。方卽本性佛。廣卽涅槃佛。及隨樂佛。佛卽成正覺佛。華卽願佛。及三昧佛。巖卽業報佛。經卽任持佛。總不離心。七字皆是心佛。釋

十佛義。如八地中。及離世間品辨。五釋華十義者。  
一。含實義。表於法界含性德故。二。光淨義。本智明  
顯故。三。微妙義。一一諸行同法界故。四。適悅義。順  
物機故。五。引果義。行爲生因。起正覺故。六。端正義。  
行與願俱。無所缺故。七。無染義。一一行門。二昧俱  
故。八。巧成義。所修德業善巧成故。九。芬馥義。衆德  
任持。流馨彌遠故。十。開敷義。衆行敷榮。令心開覺  
故。然華有二種。一。草木華。喻萬行因。然或與果俱。  
或不與俱。二。嚴身華。通金玉等。喻於神通衆相等。  
唯與果俱。前十義中。一五九十。局於草木。餘通二

華。六釋巖者。卽上十華。同巖一佛。爲巖不同。亦是

十義。

爲巖不同者。如以十寶巖一金佛。一眞珠巖。二珊瑚巖等。一佛十巖。歷於十佛。便成百巖。

約圓融。

又上十華。如次巖前十佛。卽是十義。而總

別無礙。

如次者。義同一度成一佛故。總別無礙者。總融上二行布圓融。二無礙故。更有

十義。一用因巖果以成人。是華巖佛。由因得果故。

二以果巖因以顯勝。成果之後。令一一因行。皆無

際故。三以人巖法而顯用。謂佛曠劫修因。方顯法

之體用故。四以法巖人以顯圓。若不得法之體用。

因果不能圓妙故。五以體巖用以令周。謂用不得

體。不周徧故。六以用巖體而知本。若無大用。不顯

體本之廣大故。七以體嚴相而知妙。謂相若有體。便即入重重故。八以相嚴體以明玄。體若無相不顯體。淡玄故。九以義嚴教超言念。由所詮難思。能詮言離故。十諸因互嚴以融攝。如禪非智無以窮其寂。智非禪無以淡其照等。如上一十種釋名之義。若約相融皆持業釋。

若約當相皆依主釋也。如第一用因嚴果是華嚴之佛故。二即佛之華嚴故。三即佛華嚴之大方廣。四即大方廣之佛華嚴。五即大之方廣。六即方廣之大。七即大之方。八即方之大。九即大方廣佛華嚴之經。十即諸因互嚴。乃含多義。謂施之戒。戒之施。定之慧。慧之定等。前四成對。後一非對。但可大等嚴經。不可以經嚴大等。故不成對。又為欲顯因互嚴故。如禪非智無以窮其寂者。舉一為式。餘可類取。謂禪無智。但是事定。若得智慧觀於心性。為上定。故智不得禪。乃為散善。分別慧故。慧若有定。

如密室燈寂而能照離動分別成實慧故所言等者等餘萬行如施不得戒非是真施破戒行檀非真福故戒不得施亦非真戒慳貪不息非真戒故不捨財法正犯戒故餘並可知七釋經

十義一涌泉義味無盡二出生諸義三顯示諸義四繩

罌辨諸邪正五結鬘貫穿諸法六攝持攝持所化七常常恆之說八法

軌生物解九徑衆生徑路十典令見聞正故

評國師以十門解釋經題而具彰義類一門大方廣等七字各以十義更互釋之傾無餘蘊矣

故余錄之以便好畧之機更前後九門是乃縱無盡之智辨窮法界之詮旨至于攝歸一心泯

同平等則至矣盡矣所謂唯證相應名佛華嚴

智力有餘者。不可不博覽而深究之。蓋一經之  
玄極。盡在是也。

(一) 次釋品目

世主妙嚴品第一

疏世者時也。卽是世間。有三。一器世間。卽是化處。  
二衆生世間。卽所化機。三智正覺世間。卽能化主。  
主者君也。卽佛及諸王。地神。水神。林神。山神。卽器  
世間主。天王。龍王。夜叉王等。卽衆生世間主。如來  
是智正覺世間主。亦總化上二。徧統前三。故竝稱  
世主。妙。謂法門體用。深廣難思。卽主之所得。嚴。謂

嚴飾乃有多義。一器世間嚴。謂其地堅固等。二衆生世間嚴。謂衆海各具法門威德故。三智正覺世間嚴。謂於一切法成最正覺。三業普周。法門無盡。故所以長行諸王之嚴。偈頌讚德。皆顯嚴佛。衆生不嚴。不感佛興。正覺不嚴。不能爲王。器界不嚴。非眞佛處。復由佛嚴顯。遇者有德。衆生嚴顯。輔佛超勝。如是互嚴。亦爲妙嚴。諸經無此廣嚴。但初名序品。今唯明序。已兼正故。廣讚諸嚴。以爲華嚴之由序。已上疏釋經題品目竟。

論釋經題品目者。何故名爲大方廣佛華嚴經。世



主妙嚴品第一。解云。大者無方義。方者法則義。廣者理智徧周義。佛者智體無依住義。智自在義。華者徧法界無盡行義。以行能開敷自他果故。華是感果義。開敷義。嚴是莊飾義。明初發心住位。以十信中有作行華。開敷十住位中妙理智慧果故。復生無作十種行華。常以法行互嚴。用淨自利利他之道故。行爲嚴飾義。世主妙嚴者。以此初品有諸神天八部之衆。皆爲世間主。各將十佛世界微塵數隨身部從。或但云無量來嚴道場。此爲依衆成名也。故云世主妙嚴。又佛及菩薩皆爲世間主故。

以能主導衆生總爲世間王亦此初品總標一部。一部都舉。總有二百二十八衆。形狀不同。各各部類。或言一佛世界微塵。或十佛刹微塵。或言無量。以嚴海會。故言世王妙嚴。或以佛福報境界妙嚴。依正亦得稱爲世王妙嚴。爲如來亦爲世間王。王導衆生故。此爲依王得名。品者。均別義。明五位及信心。同異差降。意類別敘。進修生熟。各有條貫。次第分明。令後學者。自識本行。進修不惑。故爲品類。均別義也。第一者。非是次第前後之第一。爲法界門中。無前頭在後之次第。皆是一時。無二念。同時。

顯著諸品之第一。一多緣起同時之第一。是名同時具足相應門。一多相容不同門。以十玄門及六相義通融品名。亦如是可知。不可如情所計。故名第一。已上論釋經題品目竟。

建安桂林善坊菩薩戒弟子郡賓謝旌  
 法名大材同室陳氏大存男龍錦興達  
 龍錫興悟孫華涇華漢華漳華沂華緯  
 華朗華潮華涓華梁等發心捐貲繕寫  
 大方廣佛華嚴經疏論纂要全部共計  
 壹百貳拾卷并刊此懸示一卷永遠流  
 通以此功德大材上薦先考郡賓以懋

法名道林妣陳氏儀娘法名道松大存  
上薦先考陳楠妣吳氏線娘同資大法  
往生淨土者伏願一乘真種溪植於心  
田二巖靈苗永茂於意地遊華藏之性  
海資人天之勝福四恩普報三有均霑  
法界有情同圓種智  
康熙己未年九月朔旦 華藏室謹題

大方廣佛華嚴經疏論纂要懸示卷第一